

萬載縣志卷十一之一

列女一

貞女 烈婦 節孝

從一而終婦人之義夫死不嫁終身不改是之謂節粹遭強暴慷慨捐生則烈矣然不如是不足以全節也夫死而有子或無子而撫子以存祀艱苦百折志不少撓不可謂獨爲其難者乎清例烈婦女給專坊銀而節烈婦准自行建坊蓋安常處順難以見功而舍生取義易以見奇也顧王道本乎人情不强責人以死而卽女子以例丈夫特以愧天下之偷生苟免反顏事仇而爲名教立之防也明清遞嬗洪文襄錢虞山兩公勲業文章

彪炳天壤而武臣甲乙各爲稱首論世知人者謂宜何如耶嗚呼鄉曲婦女烏足以知古今大義而一節之長或反爲士君子所不及其不河風也與

元龍均用妻陳氏至元三年兵亂被擄自刎死載通志

附縣尹王國用詩

國亂識忠臣事窮見周轍忠臣膽氣麗烈婦顯貞潔烈婦比忠臣忠臣面猶北誓天黃河清指領金石裂一有不幸時尤當仗大節石塘均用妻三十一夫撤至元丁丑秋犬戎肆猖獗陳氏避不前攘臂遭虜獲祇恐汚腥羶五步先濺血陔母持漢劍共姜首親馘殺身以成仁賊心惶且突一死輕可忍鬼神盡鑒

格星斗爲之寒天地爲之黑鳥鵲不飛鳴江山無顏色白骨
艷如銀肝胆堅如鐵方寸心如冰方寸心如雪冰雪良可消貞
心難磨涅不與悲風撼不與紅燼滅嗚呼龍烈婦中天湛明月
我本大丈夫聞此愴然咽天子勵風化亭碑千古勒珍重翰苑
公爲婦載方策

謹按龍氏族譜至元十一年甲戌四方騷擾兵戎充斥石塘爲
盜賊出入之藪因藏匿不及被擄強之去終不屈度不能脫仰
天自刎縣尹王贈以貞烈匾額并古風一首復按元至元十一
年甲戌爲宋度宗咸淳十年先是九年正月樊城陷二月呂文
煥以襄陽降元譜云四方騷擾兵戎充斥盜賊出入勢所必至

其時萬載猶宋土也洎德祐元年是爲至元十二年始於十一月盡取江西州軍至元十三年正月盡取湖南州軍越兩月則臨安不守仍用夏商一歲兩係之例三月以前爲宋德祐二年三月以後悉歸元統乃祖母之殉節不曰宋而曰元者豈歲在甲戌寇盜繼橫未卽表彰逮王公尹縣贈以額而咏歌之而遂屬諸元也顧其詩不曰甲戌而曰丁丑者噫嘻其傳聞之異辭耶夫元以蒙古入主中國而首重節義毋亦以爲夷狄之真不如諸夏也抑吾觀志乘所書每當治亂絕續之交興亡遞嬗之會莫不有仗節守義之臣以繫人心於不死鄉曲婦人殺身弗辱淹沒而無聞者不可勝道也無別無義禽獸之道孰謂四千

年之文勃聲明而可日卽於牾亡哉二十五世嗣孫賡言謹注
明常氏女名秀蘭東都福海坊體乾女年十七遇鄉賊欲辱之拒罵甚厲
賊磔之載通志

盧氏女名瓊貞父全仁許聘張氏子張歿女聞欲奔喪母止之遂引針刺
目婦居母家終其身年八十四卒

郭氏女名細姑邑南郭村女年十八遇賊欲擄之投井死井後崩陷成塘
其深莫測經冬不涸至今稱細姑塘

徐玉銘聘妻錢氏女父煥章許字銘故女方十一歲爲養媳及笄父母
欲迎歸另配女不可或勸之答曰孤燕猶不再偶可以人而不如乎願勿
復言自是足不踰閨閨範肅然事姑孝敬尤篤守貞四十九年

金氏女新昌金盛女襁褓時李某乳育之爲其子日春妻十一歲春亡女
痛哭不已將笄欲令改字女翦髮盟曰吾受舅姑撫養恩若嫁何以報之
卒守貞不二年六十終

宋氏女名觀秀父春元及笄待字族某與其父隙持謗帖至其家誣女淫
奔事女不堪汚讟夜投繯死父白之官拘隙者一鞠而服遂寘造謗者於
法

宋四姑梅魁女適辛氏子甫數月翁出服賈一夕獨坐於房突來狂且氏
驚逐之越日知其夫爲狂且所愚遂鬱鬱不食數月經死

鄧氏女字丁蘭父賜瓊許字邱盛柏盛柏貿易浙江杳無音耗女秉心不
二守義全貞年三十六歿於母家

汪氏女名潤香許字黃茅陳某黜齒後因疾喪明陳悔婚不娶女不爲意
惟日誦觀音經以自淑戚屬陽某聞其賢欲娶爲媳託人婉達意於父轉
示女女痛哭日見因瞽見棄醜然人世今又他歸不益恥乎誓不欲生父
母逐不忍強由是寂守閨中以貞女終

王氏女名蘭吉高村監生緝熙次女許新邑傅儲珍年十七將嫁傅遽歿
聞訃奔喪日夜涕泣迄夫喪終遂不食而死

喻氏女許字錢年十五賊脅不辱投河死

袁氏女許字錢年十一懼爲賊擄投河死

歐陽氏女許字陳住滄溪年十四賊脅不從被害

韓細苟女年十四賊擄不從被害

韓安珍女名福妹年十四賊脅不從被害

楊錦中女住滄陂年二十賊擄不從被害

清盧生珦妻彭氏順治三年山寇竊發氏以夫出翁病不忍離賊至以刃

脇氏行比不爲不從遂遇害翁知之哀痛移時卒

王嗣顯妻楊氏康熙甲寅避兵後塘蜈蚣山被執欲污之怒罵不絕口遂

遇害載越志

彭時自妻李氏康熙甲寅兵荒人民逃散氏攜子女至上高石虬渡寇

將近度不自全遂同赴不死

生員唐之皋妻朱氏年三十夫亡值甲寅山寇之變氏以衰麻在身不

忍違竄積薪自全焚死

李應樟妻高氏康熙甲寅之變氏扶老姑匿山中被寇搜獲曳氏行姑與氏抱哭不解寇抽刀欲斫姑氏以身蔽之紿曰無害我姑我從汝去寇信以爲實赦免氏乘馬行至丁田河畔路側岩高下臨深潭遂縱身投河完節而死

韓紹慶妻敖氏康熙十三年朱益吾黨攻城氏被掠以口嚙賊賊怒手及相逼氏挺頸受刃而死時年三十五

丁賜吉妻高氏名細貞濠州人康熙乙卯遭亂同數十婦被擄拽載舟中高自度無全理攜其女檢秀同赴水死兵退得屍魚鱗灘母女相抱如生

高興七妻楊氏名秋蘭南窪人乙卯避亂負于匿破屋中寇搜得欲污之

投廁死賊怒支解之并其子載通志

王豐臨妻張氏豐臨以攻苦致疾張禱以身代迄大漸豐臨含淚哽咽張知其意把袂誓曰靡不幸願相從地下夫瞑目逝張營殯葬畢投繯死年

二十三

龍文正妻郭氏康熙丙辰寇復陷城率眾數百劫掠村莊氏歸省祖母猝遇賊欲擄之大罵死焉

周大謀妻龍氏年二十七媼居康熙丁巳爲山寇所擄氏誓曰婦人不事二夫肯從賊耶賊手刃之

龍永高妻湯氏年二十八夫亡遺孤旋夭氏對靈泣日未亡人隱忍偷生者爲君獲一縷之脉耳今若此何生爲遂自縊

聞池躍妻朱氏夫病刺指血書帖焚為病草刺左股肉進之卒不起營葬畢遂絕粒死年甫二十九歲

郭定媼妻孫氏年二十五夫亡家貧子幼夫兄某哀其年少且窘託鄰勸改適不聽如是者再某逕密圖之娶有期矣氏偵知悲號竟日幾經死

劉良林妻戴氏年十七歸劉二十夫亡矢志守節服將除母與兄勸令改適不從強之閉戶投繯死

高兆徽妻湯氏道光辛卯大水兆徽斃焉氏欲殉夫為翁姑所阻乃成服理喪代夫孝養常有求夫於水之言莫之肯也服將除典賣衣物以畢事翁鳴而炊具翁姑一日饌赴門首清池死翁姑覺而出覓髮結而衣編縫焉事行於服除之日志決於夫死之時就義從容終喪而逝可謂烈矣

劉安基妻張氏住上坪年二十四咸豐六年五月賊至氏負姑匿屋後山崖上見賊擄其夫氏大呼求救賊欲犯氏氏擲石擊傷數賊仍逼近氏知不免墜崖死

王燮宗妻劉氏住上坪咸豐六年五月聞賊至未及出走投樹廝死

高康慶妻鄔氏住羅城咸豐六年賊至懼汚投水死

李秉和妻盧氏住墩下墩咸豐十一年罵賊被害

生員闍炳南妻辛氏住板木塘年四十二罵賊不從耳目及鼻被割抱

幼女投塘死 同治九年旌

職員唐瓊玉妻李氏年五十三罵賊被害

職員易錫純妻吳氏年五十六罵賊被害

王才貴妻巢氏 住王家坊年二十二被賊擄恐為所汚約以願從行半里

及河橋佯作納履狀投河死

王吉成妻周氏 住水口裡年三十八懼為賊汚投繯死

汪珠牙妻黃氏 住塔下年三十二賊擄不從死

易龍安妻辛氏 年二十三歲被賊擄至小北關不從投塹死

賴高登妻郭氏 住高村年三十賊擄不從被害

戴長生母鍾氏 住高村年八十二罵賊被害

羅允照妻鄒氏 住高村年五十一罵賊被害

李世祿妻張氏 住高村年六十四罵賊被害

彭美全妻李氏 住高村年三十四拒賊被害

劉老一妻胡氏住船埠潭年四十二拒賊被害

胡貞慶妻古氏住金鈞嶺年二十二拒賊被害

賴國瓚妻藍氏住高村年五十八罵賊不屈與夫同被害

龍東來妻辛氏住濠湖年十四恐爲賊污投塘死

黃盛邦妻蕭氏年二十一夫被匪戕殺旋遭子擲投井以殉

黃光印妻林氏年二十九夫咯血亡氏撫棺嘔血數升以殉

藍梅玉妻鄒氏年三十夫被虎咬死屍骸殘裂氏卽捐軀以殉

張焜燿妻湯氏年二十六夫故民十九年被匪擄至株潭以術誘之誓

不從於是年八月與子維芳同遭殺斃呈報國府頌志潔行芳額子畢

業龍河中學並屍身亦淹沒

龍柱生妻辛氏 石塘人於民二十年八月被匪擄脅中途慘殺

龍光近妻陳氏 石塘人於民十九年十一月初十日被匪擄逼自由不

從慘殺

丁慶清妻龍氏 他下人於民二十年八月被匪擄脅中途慘殺

李興胡妻龍氏 車陂頭人於民二十年八月被匪擄脅中途慘殺

丁慶欲妻柳氏 池下人守孀於民十九年八月被匪脅逼罵賊遭慘殺

丁龍宗妻易氏 池下人於民二十年春匪至擄脅拒罵旋被害

羅祖德妻龍氏 株潭人於民十九年八月被匪擄逼自由氏抵死拒罵斬決

數婦示威詰氏 拒如前遂被害

楊振鴻妻賴氏 隨其翁姑與夫避亂至瀏陽張家坊翁與夫同遇害氏因

憤激見殺夫妹采繁聞耗哀憤自縊

生員藍臺妻陳氏進士文鳳姪孫女住黎源民十七匪肆焚掠臺被擄

氏隨行力白其夫公且無罪抵屋前氏緊抱夫罵賊遂同遇害

翟壽泉妻龍氏匪欲劫其家氏囑其子長庚河清禮瑞國嶺潛逃身懷

利刃匪突入被氏刺傷知不免懷石投塘適勦匪軍至遇救縣長蕭家修

題額獎之

翟予生妻龍氏龍濟海之姊匪擄脅拒罵中途慘殺

湯安吉妻汪氏十七歲夫故紅軍逼令自由不屈死

元張鼎實妻敖氏元末舅姑及鼎實俱繫紅巾之難氏年二十餘撫姪

成立洪武二十三年旌表載通志